



Bizigiro

Elkarrekin indartsuago

Plataforma handien aurka egiteko elkarlana beharrezkoa dela nabarmendu dute Europako lau katetako arduradunek Iruñean, Conecta Fiction jaialdian egindako solasaldian.



2021eko irailak 14



Lehia eta elkarlana. Elkarlana eta lehia. Batera ezinak diruditen kontzeptuak dira, baina, ikus-entzunezkoetan uste baino gertuago daudenak. Horixe nabarmendu dute Iruñeko Conecta Fiction jaialdian Europako lau telebistetako fikzio arduradunek. *Europako kate publikoak: nola nabarmendu lehia handiko jokaleku batean* solasaldia izan zuten atzo, eta bertan parte hartu zuten Maria Pia Ammirati Italiako Rai kateko fikzio arduradunak, Simone Emmelius Alemaniako ZDF kateko nazioarteko fikzio eta salerosketako arduradunak, Manuel Alduy France Telebistako nazioarteko garapen eta zinema arduradunak, eta Amalia Martínez de Velasco RTVEko eduki orokorren zuzendariak.

«Europar denok dauzkagu aurkari berak: Netflix, HBO eta Amazon Prime, eta zer da horren aurrean egin dezakeguna? Elkarlana». Horixe nabarmendu zuen Alduyk, Europako kate publikoek elkarrekin lan egiteko beharra. Dagoeneko hasiak dira telebista kate batzuk horretan, eta elkarlan horrek emandako uztaren xehetasunak aletu zituzten: Italiako eta Frantziako kateek batera ekoizitako *Leonardo* telesaila, adibidez. Aitzina begira ere, iparra elkarlanean dutela nabarmendu zuen Pia Ammiratik: «Sinistu egiten dugu aliantzetan, elkarlanean. Familia batean bezala gauza txarrak eta onak konpartitzen ditugu: proiektuak, helburuak, arazoak eta ametsak». Bide horretan, elkarlana proiektu handietan egiteaz gainera, audientzia zehatzagoa dutenetan ere aplikatzeko beharra paratu zuen mahai gainean Emmeliusek, gazteentzako edukietan adibidez.

Sarean egotearen beharra



Italiako, Frantziako eta Alemaniako kateak ez bezala, Espainiako RTVE ez da oraindik Europako aliantza horretan batu; Martínez-de Velascoren hitzetan, ordea, horretan paratua dute begirada. Elkarlanerako urratsak egin artean, plataforma handien kontra lan egiteko dituzten erremintak aletu zituen: «Kalitateko produktuak eskaintzea, eta produktuak sarean kalitatez aurkeztea».

Ikus-entzunezko merkaturak aldatu egin da, lau solaskideek bat egin zuten horretan, baina aldaketa horren aitzinean duela hamar urte ez zituzten abantailak dituztela azaldu zuen Aldayk: «Audientziaren inoiz baino datu gehiago ditugu. Dagoeneko produktu ona izatearekin ez da nahikoa. Zerbaite erosi behar dugunean ziur izan behar dugu audientziari produktua gustatuko zaiola». Antzeko mintzatu zen Emmeliusek ere: «Kontsumitzaile gazteengan jarri behar dugu arreta; horiek bereganatzea erronka handia da». Bide horretan eman zuen solasaldiko gakoetako bat RTVEko ordezkariak: kontsumo ohiturak nola aldatu diren. «Audientziak nahi duen euskarrian eta nahi duen lekuan kontsumitu nahi du, eta telebista kateon lana da horretara egokitzea».

Etorkizunera begira dituzten erronkak nabarmendu zituzten lau solaskideek: telebista publikoek elkarlanean kalitatezko edukiak sortzen jarraitzea, eta horiek nazioarteko zein nazio mailako audientziarengana iristea eta aniztasuna sustatzea.

Sareko BERRIAzalea:

Irakurri berri duzun edukia eta antzekoak zure interesekoak badira, eskari bat egin nahi dizugu: **Berria** diruz babestea.

Zuk eta zure gisako sareko milaka irakurlek egindako ekarpenarekin, eduki gehiago eta hobeak sortuko ditugu. Eta, zuekin osatutako komunitateari esker, publikitateak eta erakundeen laguntzek bermatzen ez dituzten bideragarritasuna lortuko dugu.

Euskarazko kazetaritza libre, ireki eta konprometitua eskaini nahi dizugu egunero; bizi zaren munduaren eta garaia berri ematen segitu.

[Irizpidea duzulako. Giroan zabilatzalako.](#) [Egin BERRIA laguna](#)

[Zuk badakizulako.](#)

Albiste gehiago

- Urriaren egindako Xingarraren Azoka Baionan, pandemiara egokituta**

Jean-Rene Etxegarai Baionako auzapezak argitu duenez, urriaren 15etik 17ra egingo da azoka, osasun neurrietara egokituta
- «Kultura erabili dugu borroka brigada gisa»**

IKER TUBIA

Atzera begira, Banda Bassotti taldearen ibilerak jaso ditu Cacchione bere memoria liburua. Musikaren bidez borrokarako deia egiten jarraitzen dute: «Ezin dugu pentsatu betiereko porrota garenik».
- Elkarrekin indartsuago**

AINHOA LARRETXEAA GIRRE

Plataforma handien aurka egiteko elkarlana beharrezkoa dela nabarmendu dute Europako lau katetako arduradunek Iruñean, Conecta Fiction jaialdian egindako solasaldian.
- Zinemak ere baditu bere tripak**


AMAIA RAMIREZ DE OKARIZ KORTABARRIA

Zinemara joanez gero, pantailan ikusten dira filmak, baina ikuslea, sarri, ez da ohartzen zer dagoen atzean. Pelikulak hautatu egin behar dira, publikoaren beharren arabera, bai eta proiektatu ere. Gasteizko Florida zinetan, adibidez, hori guztia gogoan antolatzen dituzte zortzi aretoak.

Astekaria

Asteko gai hautatuekin osatutako albiste buletina. Astelehenero, ezinbesteko erreportajeak, elkarriketak, irizkiak eta kronikak zure posta elektronikoan.

Pribatutasun politika eta Lege informazioa irakurri ditut eta onartzen ditut



idatzi zure posta elektronikoa [Harpidetu](#)

0 iruzkin | Berria | Disqus' Privacy Policy | Saioa hasi

Gomendatu | Tweet | Partekatu | Berrienetik hasita

Hasi eztabaida...

HASI SAIOA HONEKIN | EDO ERREGISTRATU DISQUS-EKIN

[D](#) [f](#) [T](#) [G](#) | Izena

Egin lehen iruzkina.

Harpidetu | Gehitu Disqus zure webgunera | Do Not Sell My Data | DISQUS

JARRAITU

- Facebook
- Twitter
- Instagram
- Youtube
- RSS

SAILAK

- Gizartea
- Politika
- Mundua
- Ekonomia
- Iritzia
- Inflogiario
- Berria TB
- Kirola
- Kultura
- Bizigiro
- Ibilkari
- Infografiak
- Argazkiak

LEGEA

- Lege Informazioa
- Pribatutasun politika
- Cookieak
- Zozketak
- Lan eskaintzak
- Lizentzia
- Publizitatea
- Bidera zerbitzuak
- MIDAS Media



zerbitzua eta lana cuskaraz

